



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-6556-8/25
Dana: 29.12.2025. godina

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 72. stav (3) tačka c) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24) i preporuke Komisije za nabavku kancelarijskog namještaja za potrebe Uprave policije, imenovane Rješenjem broj: 02/5-1-30-1-5204 od 02.09.2025. godine, u postupku javne nabavke kancelarijskog namještaja, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

O D L U K U

O DODJELI UGOVORA DRUGORANGIRANOM PONUĐAČU ZA LOT 2

I

Poništava se Odluka o izboru najpovoljnijeg ponuđača i dodjeli ugovora broj: 02-11-4-6556-5/25 od 15.12.2025. godine za nabavku kancelarijskog namještaja za potrebe Uprave policije Ministarstva unutrašnjih poslova Kantona Sarajevo, u dijelu koji se odnosi na LOT 2- Kancelarijski stolovi, kojom je ugovor dodijeljen ponuđaču ponuđaču Gradiz d.o.o. Sarajevo.

II

Prihvata se preporuka Komisije za nabavku kancelarijskog namještaja za potrebe Uprave policije Ministarstva unutrašnjih poslova Kantona Sarajevo data u Zapisniku o pregledu dokumentacije broj 02-11-4-6556-7/25 od 29.12.2025.godine, nakon što je prvorangirani ponuđač dostavio obavještenje o odustajanju od postupka javne nabavke, shodno članu 72. stav (3) tačka c) Zakona o javnim nabavkama u postupku javne nabavke kancelarijskog namještaja za potrebe Uprave policije Ministarstva unutrašnjih poslova Kantona Sarajevo, ugovor se dodjeljuje drugorangiranom ponuđaču FEF Export import d.o.o. Sarajevo (LOT 2 - Kancelarijski stolovi) za ponuđenu cijenu od 5.950,00 KM bez PDV-a.

III

Izabrani ponuđač FEF Export import d.o.o. Sarajevo je u cilju dokazivanja uslova lične sposobnosti dostavio tražene dokaze navedene u tački 12. tenderske dokumentacije, a koje se odnose na član 45. stav (2). tačka od a) do d), za druge LOT-ove u ovom postupku nabavke, za koje mu je dodjenjen ugovor, čime se oslobađa obaveze naknadnog dostavljanja istih.

IV

Ova odluka stupa na snagu danom donošenja i objavit će se na web stranici Ugovornog organa.

Obrazloženje

Na osnovu Odluke broj: 02-11-4-6556/25 od 17.10.2025. godine i Obavještenja o nabavci broj: 16475-1-1-116-3-133/25 od 22.10.2025. godine, proveden je otvoreni postupak javne nabavke kancelarijskog namještaja za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-6556/25 od 12.11.2025. godine, Komisija je konstatovala da su u otvorenom postupku nabavke kancelarijskog namještaja za potrebe Uprave policije Ministarstva unutrašnjih poslova Kantona Sarajevo Obavještenje o nabavci broj 16475-1-1-116-3-133/25 od 22.10.2025. godine, zaprimljene ponude ponuđača FEF Export Import d.o.o. Sarajevo za LOT 1 i 2, Gradiz d.o.o. Sarajevo za LOT 1,2 i 3, R&S d.o.o. Sarajevo za LOT 1,2 i LOT 3, Larix d.o.o. Doboj za LOT 2, Inter-com d.o.o. Zenica za LOT 2.

Komisija je utvrdila da ponude sadrže sve elemente tražene tenderskom dokumentacijom u pogledu formalno-pravne ispravnosti i tehničkih podataka traženih tehničkim karakteristikama. Komisija je izvršila rangiranje prihvatljivih ponuda, prema kriteriju najniža cijena tehnički zadovoljavajućih ponuda i kvalifikovane ponuđače pozvala na provođenje e-aukcije i to:

Naziv ponuđača	LOT 1 - Ukupna cijena ponude sa popustom bez PDV-a
R&S d.o.o. Sarajevo	22.320,00 KM
Gradiz d.o.o. Sarajevo	22.400,00 KM
FEF Export import d.o.o. Sarajevo	22.400,00 KM

Naziv ponuđača	LOT 2 - Ukupna cijena ponude sa popustom bez PDV-a
Inter-com d.o.o. Zenica	12.500,00 KM
R&S d.o.o. Sarajevo	12.600,00 KM
Larix d.o.o. Doboj	12.625,00 KM
Gradiz d.o.o. Sarajevo	12.625,00 KM
FEF Export import d.o.o. Sarajevo	12.625,00 KM

Naziv ponuđača	LOT 3 - Ukupna cijena ponude sa popustom bez PDV-a
R&S d.o.o. Sarajevo	7.680,00 KM
Gradiz d.o.o. Sarajevo	7.710,00 KM

U skladu sa odredbama Pravilnika o uslovima i načinu provođenja elektronske aukcije („Službeni glasnik BiH“, broj 80/23), provedena je E-aukcija koja je održana je 05.12.2025. godine.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije (po lotovima).

U toku e-aukcije došlo je do smanjivanja cijena i podnošenja novih ponuda za sve lotove te je Komisija je pristupila analizi ponuda nakon e-aukcije.

Shodno rezultatima pregleda i ocjene ponuda i rang listi prihvatljivih ponuda pregled rangiranja ponuda nakon provedene e-aukcije:

Naziv ponuđača	LOT 1 - Ukupna cijena ponude sa popustom bez PDV-a
FEF Export import d.o.o. Sarajevo	15.850,00 KM
R&S d.o.o. Sarajevo	15.900,00 KM
Gradiz d.o.o. Sarajevo	22.400,00 KM

Naziv ponuđača	LOT 2 - Ukupna cijena ponude sa popustom bez PDV-a
Gradiz d.o.o. Sarajevo	5.949,00 KM
FEF Export import d.o.o. Sarajevo	5.050,00 KM
Larix d.o.o. Dobož	8.949,00 KM
Inter-com d.o.o. Zenica	8.959,00 KM
R&S d.o.o. Sarajevo	12.000,00 KM

Naziv ponuđača	LOT 3 - Ukupna cijena ponude sa popustom bez PDV-a
R&S d.o.o. Sarajevo	6.730,00 KM
Gradiz d.o.o. Sarajevo	6.739,00 KM

Naprijed navedeno je konstatovano u Zapisniku o pregledu i ocjeni ponuda broj 02-11-4-6556-4/25 od 11.12.2025. godine. Shodno preporuci Komisije datoj u Zapisniku o pregledu i ocjeni ponuda broj 02-11-4-6556-4/25 od 11.12.2025. godine, donesena je Odluka o izboru najpovoljnijeg ponuđača i dodjeli ugovora broj 02-11-4-6556-5/25 od 15.12.2025. godine, kojom je kao najpovoljniji ponuđač za LOT 2- kancelarijski stolovi izabran Gradiz d.o.o. Sarajevo.

Predmetni Zapisniku o pregledu i ocjeni ponuda i Odluka o izboru najpovoljnijeg ponuđača i dodjeli Ugovora su blagovremeno i u zakonskom roku dostavljeni svim ponuđačima koji su aktivno učestvovali u postupku javne nabavke.

Uvidom u dokumentaciju predmetnog postupka javne nabavke, Komisija je utvrdila sljedeće:

- Odluka o izboru najpovoljnijeg ponuđača i dodjeli ugovora 02-11-4-6556-5/25 donesena je dana 15.12.2025. godine.
- Dana 17.12.2025. godine, Odluka o izboru najpovoljnijeg ponuđača i dodjeli ugovora je zajedno sa Zapisnikom o pregledu i ocjeni ponuda upućen poštom svim ponuđačima koji su blagovremeno dostavili ponude u postupku javne nabavke.

- Dana 22.12.2025. godine Ugovorni organ je putem pošte zaprimio Obavijest o odustanku od postupka javne nabavke ponuđača Gradiz d.o.o. Sarajevo, broj 1307/25 od 19.12.2025. godine, u kojem se kao razlog odustajanja od postupka javne nabavke navodi nemogućnost isporuke kancelarijskog namještaja za LOT 2- kancelarijski stolovi, usljed objektivnih okolnosti kako se navodi u aktu ponuđača Gradiz d.o.o. Sarajevo, odnosno nemogućnost i ispunjenje ugovornih obaveza u propisanom roku, koji je definisan u TD javne nabavke.

Nakon izvršenog uvida u predmetnu dokumentaciju, Komisija je kontaktirala da je prvorangirani ponuđač Gradiz d.o.o. Sarajevo za LOT 2 odustao od daljeg učešća u postupku javne nabavke.

U postupku donošenja ove odluke je utvrđeno da je Komisija u svemu pravilno postupila te da je preporuka o dodjeli ugovora drugorangiranom ponuđaču data u skladu sa Zakonom o javnim nabavkama, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 72. stav 3. tačka c) Zakona o javnim nabavkama („Sl. glasnik BiH“, broj 39/14, 59/22 i 50/24), Zapisnikom o pregledu i ocjeni ponuda broj 02-11-4-6556-4/25 od 11.12.2025. godine, Zapisnikom o pregledu dokumentacije broj 02-11-4-6556-7/25 od 29.12.2025. godine i Izvještajem o toku i završetku e-aukcije riješeno je kao u dispozitivu.



POLICIJSKI KOMESAR
Generalni _____ **policije**

Fatmir Hajdarević

Dostaviti:

1. Komisiji za nabavku kancelarijskog namještaja;
2. FEF Export import d.o.o. Sarajevo;
3. Odjeljenju za odnose s javnošću, radi objave na web stranici ovog organa;
4. a/a.